

ՀԱՂՈՐԴՈՒՄՆԵՐ ԵՎ ՆԿԱՏՈՂՈՒԹՅՈՒՆՆԵՐ СООБЩЕНИЯ И ЗАМЕТКИ

ԿՈՎԿԱՍՅԱՆ ԲԱՆԱԿԻ ԶԻՆՎՈՐՆԵՐԻ ՆԱՄԱԿՆԵՐԸ 1917 թ.

Ն. Ս. ՄԵԼԻՔՅԱՆ

Թիկունքից զինվորների ստացած նամակները և հատկապես ռազմաճակատից թիկունք՝ հարազատներին գրած զինվորական նամակները, ամբողջությամբ վերցրած, ժամանակագրական հաջորդականությամբ բացահայտում են բանակում տիրող նյութական, սանիտարական դրության, սպանների կամայականության, ռազմական մուշտրայի և բազմազան այլ երևույթների նկատմամբ զինվորների ակտիվ վերաբերմունքի պատկերը:

Այդ նամակները, որ Վ. Ի. Լենինը դասում էր ռևոլյուցիոն շարժման այնպիսի դրսևորումների շարքը, ինչպիսիք էին խմորումները, բողոքները, խրամատներում եղբայրացումը, գործադուլները և ցույցերը¹, մեծ մասամբ աշխատավոր մարդկանց նամակներ են: Նրանցում երբեմն նկատվող չափազանցությունները, սուր տոնն ու գրեթե չունեցող նամակների պատմական արժեքն ու օբյեկտիվությունը: Աննպատակ, ավազակային պատերազմից ու թիկունքում տնքացող հարազատների անապահով վիճակից դառնացած զինվորը նամակում պարզությամբ ու շիտակությամբ բացում էր իր սիրտը, ոտնատակ տալով «պատշաճ» գրության բոլոր կանոնները: Զինվորական նամակները լարափակոցների էտեից և թիկունքային դաժան շահագործման ու աղբատության մոայլ առօրյայից եկող ժողովրդական զայրույթի ու հասունացող քաղաքական գիտակցության անբռնազբոսիկ ճիշն էին:

Չնայած իրենց մեծ արժեքին, մինչև այժմ Կովկասյան (և ոչ միայն Կովկասյան) բանակի զինվորական նամակները գիտական ամբողջական կարգավորման ու մշակման չեն ենթարկվել: Հոկտեմբերյան ռևոլյուցիայի տասնամյակի կապակցությամբ 1927—1928 թթ. լույս տեսան զինվորական նամակների փոքրածավալ ժողովածուներ, որոնցում, սակայն, Կովկասյան բանակի զինվորների նամակները չափազանց փոքրաթիվ են ու պատահական, հետևաբար և չեն կարող լրացորեն օգնել ուսումնասիրողներին: Զարմանալի չէ, որ 1914—1918 թթ. իրադարձությունները ուսումնասիրող անդրկովկասյան պատմաբանները, չնչին բացառությամբ, կամ անցնում են զինվորական նամակների կողքով, կամ դրանք օգտագործում են պատահականորեն:

Մեր երկրի կենտրոնական և բազմաթիվ այլ արխիվներում ցրված են Կովկասյան բանակի, այդ թվում նաև այլ ռազմաճակատներից ու թիկունքից դեպի Կովկասյան բանակ ուղարկված նամակները, որոնք տեղ կհասնեն և պատմական գիտության համար կկորչեն, եթե եռանդուն չգործեն ցարական և ապա ժամանակավոր կառավարության «պատիվը» փրկող գրաքննչական օրգանները:

Ուշագրավ է այն, որ Կովկասյան բանակի գրաքննչական հրահանգներից մեկում ասվում էր, որ զինվորների գրած և ստացած նամակների հիման վրա պարբերաբար կազմվող գրաքննչական ռամփոփագրերը, որպես անկողմնակալ կերպով հավաքված նյութերի ամբողջություն, միաժամանակ ունեն և պատմական մեծ արժեք. նրանք կարող են դրվել Ռուսաստանի ապրած իրադարձությունների ուսումնասիրման հիմքում²:

Զինվորական նամակները կարելի է բաժանել հետևյալ հիմնական խմբերի. 1) Կովկասյան ճակատից թիկունք և տարբեր զորամասեր ուղարկված նամակներ, 2) Կովկասյան բանակի թիկունքային զորամասերից ուղարկված նամակներ, 3) թիկունքից Կովկասյան բանակի զինվորներին գրված նամակներ, 4) այլ ռազմաճակատներից ու զորամասերից Կովկասյան բանակի զինվորներին հասցեագրված նամակներ:

¹ Տե՛ս Վ. Ի. Լենին, Երկեր, հատ. 22, էջ 226:

² Центральный государственный военно-исторический архив — ЦГВИА (այսուհետև՝ ԿՊՈՊԱ), ֆ. 1300, ց. 1, դ. 115, թ. 51:

Այդ նամակների ճնշող մեծամասնությունը ուղղակիորեն առնչվում է Կովկասյան բանակի հետ, հիմնականում անդրկովկասյան իրադարձությունների հետ: Մակայն նրանց ամբողջությունը չի սամանափակվում միայն Կովկասով, այլ ինչ որ չափով արտացոլում է ողջ երկրի տնտեսական ու քաղաքական իրավիճակը, ռազմաճակատների ու թիկունքի կյանքը, որոշակի էտապում մասսաների բոլշևիկացման բուռն պրոցեսը: Դրանում էլ առաջին հերթին պետք է տեսնել զինվորական նամակների պատմական արժեքը:

Հասկանալի է, իհարկե, որ շատ արժեքավոր նամակների զղալի մասը ոչնչացվել կամ անհայտացել է: Ռազմաճակատ ու պահեստային զորամասեր չէին հասնում հատկապես թիկունքից զինվորներին հասցեագրված ձրի նամակները: Այդպիսիք իբրև կանոն չէին ստուգվում և առաջին իսկ առաքման կետում այրվում էին: Շատ նամակներից պատահիկներ են հասել, միտումնավոր կերպով ընտրված հատվածներ, որոնք հետաքրքրել են այս կամ այն գրաքննչին կամ պատական ու ժանդարմական օրգաններին:

Գրաքննչական հաշվետվությունները վկայում են, որ արդեն 1916 թ. հոկտեմբերին զինվորական նամակների մոտ 50 տոկոսը, ձգձգվող պատերազմի պատճառով, ներծծված էր անկումային տրամադրություններով, նկատելիորեն աճող բողոքով³: Մասսաների հասունացող ռևոլյուցիոն-դեմոկրատական տրամադրություններն են արտացոլված նախափետրվարյան ժամանակաշրջանի նամակներում: Ժամանակագրական հաջորդականությամբ, նամակ առ նամակ, պարզ է դառնում, որ երկրում հասունանում էր ռևոլյուցիոն իրադրությունը: Փետրվարյան բուրժուա-դեմոկրատական ռևոլյուցիայի հաղթանակից հետո նամակներում պատերազմի, կյանքի թանկացման նկատմամբ աշխատավորների շարունակվող դժգոհությանը զուգընթաց, առժամանակ դրսևորվում է նաև պաթետիկ ոգևորություն, որը ավելի շատ փետրվարյան ռևոլյուցիայից մասսաների ունեցած մեծ սպասելիքների, հույսերի արտացոլումն է, քան թե գոյություն ունեցող իրավիճակի գովքը:

Ապրիլյան ճգնաժամը և նրանից հետո արագացող ռևոլյուցիոն պրոցեսը, մասնավորապես հունիսյան, հուլիսյան իրադարձություններն ու կոռնիլովշինսն լայնորեն արտացոլված են Կովկասյան բանակի զինվորների նամակներում: Որքան մոտենում էր Հոկտեմբերը, այնքան ավելի գիտակից էր դառնում զինվորը: Նա ավելի ու ավելի ճիշտ էր ըմբռնում երկրում կատարվող դասակարգային տեղաշարժերը: Աշխատավորական իր բնագղով և քաղաքական հասունացող գիտակցությամբ նա սկսում էր պարզ տեսնել դասակարգերի, քաղաքական պարտիաների, նրանց առաջնորդների վարքագծի ներքին բովանդակությունը, կարողանում էր խոսքը տարրերել գործից, իսկական սոցիալիստական քաղաքականությունը՝ մանր բուրժուական աղմուկից, ժողովրդին ծառայելը՝ դեմագոգիայից:

Թիֆլիսից գործող բանակ հասցեագրված մի նամակում զինվորը գրում էր. «Բարև թանկագին եղբայր Իլյա Յակովլևիչ. քո նամակը ստացա, որից երևում է, որ իմ նամակները... դուք չեք ստացել: Հին ռեժիմի օրոք ինքնակալ Նիկոլայի ցենզուրան էր, որը ստուգում ու թույլ չէր տալիս ազատ արտահայտելու ժողովրդի կամքը, իսկ այժմ Կերենսկու գրաքննությունը նույնպես վախենալով բոլշևիկյան տակտիկայից ստուգում է, և նամակները այդ պատճառով էլ տեղ չեն հասնում:

Կերենսկին և կոմպանիան վախենում են, որ զինվորները կիմանան ճշմարտությունը և կասեն կորչի համաձայնողական քաղաքականությունը: Ձեռ մոտ՝ ճակատում, ասում են, որ բոլշևիկները բուրժույներ են, որ բոլշևիկները չեն ցանկանում փոխարինել տանջված զինվորներին, որոնք արդեն երես տարի է, ինչ ընկած են դիրքերում:

Ձէ, թանկագին Իլյուշա, մի հավատա, դա խաբույթություն է. բոլշևիկը՝ դա չբավորագույն գյուղացին է ու բանվորը, որին և մենք չքավորներս ենք պատկանում: Միայն նրանք, բոլշևիկներն են պահանջում հաց, խաղաղություն, հող գյուղացիությանը և ազատություն, բայց այդ բանի համար նրանց գնդակահարում են և մեզ՝ զինվորներին, մնում է ձեռք առնել ամենաեռանդուն միջոցներ պաշտպանելու բոլշևիկյան կազմակերպությունները: Մի լսեք գնդապետներին ու գեներալներին, որոնք մարտին զարդարվել էին կարմիր ժապավենով. նրանք չեն լինի և չեն էլ եղել ռևոլյուցիոններներ, իսկ ինչպես եղել են արյունախում գազաններ, այդպես էլ մնացել են — ահա իմ խորհուրդը, հիշի՛ր, եղբայր...»⁴:

Զինվորական նամակները անցնում էին կրկնակի գրաքննությունից: Նախ՝ ռազմաճակատում նրանք պետք է հաղթահարեին զինվորական հանձնաժողովի դիմադրությունը և ապա անցնեին

³ «Борьба классов», 1934, № 9, էջ 14:

⁴ ԿՊՌՊԱ, ֆ. 1300, ց. 1, գ. 99, 2-րդ մաս, թ. 926—927:

հասցեագրված օկրուգի ռազմական գրաքննության պատենշը: Պետք է նշել, որ զինվորական հանձնաժողովը միշտ չէ, որ դրսևորում էր անհրաժեշտ զգոնություն, և ունեւոյցիոն բովանդակությամբ շատ նամակներ էին հասնում օկրուգային ռազմական գրաքննությանը, որը և զտում էր սյոդ նամակները «ունեւոյցիոն վիրուսից»: Իսկովից Կովկասյան ռազմաճակատ հասցեագրված մի նամակում հեղինակը, լավ իմանալով ցարական գրաքննության բարքերը, զայրույթով գրում էր. «...նորություններ շատ կան, բայց նրանք կծան են. ես սկզբում գրեցի, բայց վախեցա և պատենցի... որքան ծանր է, երբ ցանկանում ես ասել անմարտությունը, բայց և չի կարելի»:

Առավել գիտակից զինվորները գիտեին ռազմական գրաքննության իսկական արժեքը և իրենց հատուկ վճռականությամբ ու պարզ ժողովրդական հումորով դաս էին տալիս այդպիսի գրաքննիչներին: Ուշագրավ է 1917 թ. հունիսի 8-ին Կովկասյան բանակից «Կովկասյան ռազմական գրաքննությանը» հասցեագրված մի խմբային նամակ: «...Ողջուն պարոն բուրժույներ,— գրում էին զինվորները այդ նամակում:— Խնդրում ենք ձեզ, խնդրում խոնարհաբար, մեր նամակները չպահել: Երևի ձեզ, հարբելիս, ժամանակ չկա կատարելու ձեր ծառայության պարտքը, կամ էլ թե շատ են ուռել ձեր գրպանները, ընկեր բուրժույներ: Զպետք է քնել, այլ վաղ վերկենալ, շտապ ստուգել և արագ ուղարկել նամակները: Ես ձեզ չեմ հանդիմանում, որ դուք ստուգում եք մեր նամակները: Դուք, հավանաբար, կորցրել եք ողջ խիղճը. բավական է ծաղր ու ծանակի ենթարկեք ձեր եղբորը. ես ձեզ այլ կերպ չեմ կարող կոչել, քան հակաքրիստոնյաներ: Ընկեր բուրժույներ, խնդրում ենք մոռանալ անցյալը, կպնել նորին. դեհ, չէ որ մենք թույլ չենք տա, որ վերադառնա հին ուժիմը. բոլորս կմեռնենք ազատության համար և ձեզ կջարդենք, իսկ ցարիզմը այլևս չի լինի... խնդրում ենք պատասխան»⁵:

Ռազմա-գրաքննչական յուրաքանչյուր կետ պարբերաբար, ամիսը երկու անգամ, զինվորական նամակների հիման վրա կազմում էր ամփոփագիր, նրան կցում առավել տիպական «անքարհույս» նամակները և ուղարկում Կովկասյան զինվորական օկրուգի ռազմա-գրաքննչական բաժին, որտեղ և կազմվում էր ռազմաճակատի, թիկունքային զորամասերի և թիկունքի բարոյա-քաղաքական տրամադրությունները և ռազմական ոգին ներկայացնող ամփոփագիր: Կովկասյան բանակի ռազմական գրաքննության գլխավոր խնդիրը բանակի ու թիկունքի տրամադրությունների օբյեկտիվ պատկերի բացահայտումն էր: Հրահանգներից մեկում Կովկասյան ռազմական գրաքննության խնդիրները շարադրելիս նշվում էր, որ «...զինվորների տրամադրություններն ու նրանց բարոյական ոգին հանդիսանում են պատերազմի կարևորագույն շարժիչ գործոններից մեկը», հետևաբար նրա օբյեկտիվ լուսարանումը ռազմական գրաքննության կողմից «արտակարգ նշանակություն է բանակի բարձրագույն հրամանատարական կազմի համար. որովհետև այդ տրամադրությունները առաջին հերթին հաշվի են առնվում այս կամ այն օպերատիվ որոշումներն ընդունելիս»: Որոշակիորեն սահմանվում էին գրաքննչական օրգանների անմիջական խնդիրները. «Ամփոփագրեր կազմելիս ռազմական գրաքննիչները,— ասվում էր այդ փաստաթղթում,— ոչ մի բույն չպետք է մոռանան ամփոփագրերի նպատակները և նյութ ընտրելիս պետք է իրենց ստիպեն հրաժարվելու ինչպես ռազմական, այնպես էլ հասարակական-քաղաքական, թիկունքային կյանքի այս կամ այն երևույթների նկատմամբ ունեցած համակրանքից և հակակրանքից: Գրաքննիչները, որպես նյութ հավաքողներ, պետք է նամակներից ընտրելու ուղիով բազմակողմանիորեն... լուսարանեն... հարցերի ոչ միայն դրական, այլև բացասական կողմերը: Ամփոփագիրը պետք է ընդգրկի ոչ միայն ճակատը, այլ նաև թիկունքը: Այդ վերջինը սերտորեն կապված է առաջինի հետ: Թիկունքի տրամադրությունը փոխանցվում է ճակատին և ազդում վերջինի հոգեբանության վրա, հետևաբար թիկունքը, որպես բանակի վրա ազդելու գործոն, պետք է բազմակողմանիորեն լուսարանվի, և հասկանալի է, խստագույն օբյեկտիվությամբ»⁶:

Հասունացող քաղաքական իրադարձությունների ազդեցությամբ ռազմական շարքային (և ոչ միայն շարքային) գրաքննիչների մի մասը իր գործունեությամբ նպաստում էր ունեւոյցիայի հասունացմանը: Այդ գրաքննիչները աշխատում էին «չնկատել» գիտակից զինվորների ու աշխատավորների այն նամակները, որոնք պարունակում էին «շթույլատրված հաղորդագրություններ», քաղաքական ընդհանրացումներ: Այդպիսի նամակների մի մասը բաց էր թողնվում ռազմաճակատից թիկունք և ընդհակառակը: Քիչ չեն փաստերը, երբ այդպիսի գրաքննիչները դատապարտվում և ունեւոյցիոն զինվորների ու աշխատավորների հետ մեկտեղ ռազմաճակատի առաջին գիծ կամ տաժանակիր աշխատանքի էին ուղարկվում:

5 Նույն տեղում, գ. 115, թ. 135:

6 Նույն տեղում, գ. 99, թ. 228:

7 Նույն տեղում, գ. 115, թ. 51:

Այժմ տեսնենք, թե ինչպես էին արտացոլվում պատերազմի, խաղաղության և ուսուցիչի հարցերը. ողջ երկրում ու Անդրկովկասում 1917 թ. հունիսին տեղի ունեցող իրադարձությունները Կովկասյան ռազմաճակատի զինվորական նամակներում:

Կովկասյան ռազմաճակատը իր դրությամբ տարբերվում էր Հյուսիսային, Արևմտյան և մյուս ռազմաճակատներից նրանով, որ պատերազմի հենց սկզբից բանակն այստեղ գործում էր թշնամու տերիտորիայում: Երեք տարի անընդհատ ցարիզմը և ապա ռուսական բուրժուազիան այդ հարձակվող բանակը գովել ու փառաբանել էին իրեն «ռուսական զենքի փառքը սրբագործող» լանակ, իրեն հարվածային մի ուժ, որը ձեռք մեկնելով դաշնակից անգլիական իմպերիալիստական բանակին, շուտով դուրս էր գալու Տիգրիսի ու Եփրատի գետաբերանը, լվացվելու էր Պարսից ծոցի — Հնդկական օվկիանոսի ջրերով ու ռուսական կապիտալին ներթափանցման ուղի էր հարթելու դեպի Միջին ու Մերձավոր Արևելք: Կովկասյան բանակի այսպիսի դրությունը պատերազմի սկզբում ավելի շեշտված, իսկ հետո՝ նկատելիորեն պակաս չափով «պատրիոտիզմի» մոլուցքի մեջ էր պահում բանակի զգալի մասը: Բուրժուազիայի հնարած ու նրան ձեռնտու կեղծ, ժողովրդին օտար «հայրենասիրական» այդ մտայնությունը լրջորեն վարկարկվեց փետրվարյան ուսուցիչի նախօրյակին, սակայն մի նոր ալիքով այն ասպարեզ իջավ փետրվարից անմիջապես հետո: Ժամանակավոր կառավարության, էսեռա-մենշևիկյան պարտիանների նկատմամբ զինվորների հավատի օրավուր մեծացող կորստի պայմաններում, այդ «պատրիոտիզմը» դեռ իրեն որոշ չափով զգալ էր տալիս 1917 թ. գարնան-ամռան ամիսներին: Իրան նպաստում էր և այն, որ Կովկասյան ռազմաճակատը շատ էր հեռացել մինչպատերազմյան ռուսական հին սահմաններից, մի հանգամանք, որը դժվարացնում էր ուսուցիչին հրդեհից եռացող թիկունքի ազդեցությունը գործող բանակի վրա: Ռուսական իմպերիալիստական բուրժուազիան ոչ միայն պաշտոնական դիրքերից էր պրոպագանդում իր քաղաքականությունը, այլև այդ բանի համար միջոցներ էր հատկացնում իր խոսափողը հանդիսացող էսեռա-մենշևիկյան պարտիաններին, լուրջ խոչընդոտ չստեղծելով նրանց ագիտացիային: Քաղաքական հիշյալ հոսանքների ագիտացիայի այդպիսի ազատությունը և այն մղելու լայն հնարավորությունները Կովկասյան ռազմաճակատում լրջորեն խանգարում էին զինվորական մասսաների քաղաքական հասունացմանը:

Մյուս ռազմաճակատների, մասնավորապես առավել ուսուցիչին Հյուսիսային ու Արևմտյան ռազմաճակատների համեմատությամբ Կովկասյան ռազմաճակատում բոլշևիկյան պարտիայի գործունեությունը խանգարող լուրջ հանգամանք էր նաև տեղական բուրժուա-նացիոնալիստական պարտիանների գործունեությունը, պարտիաներ, որոնք զգալի ազդեցություն ունեին մանր բուրժուական, գյուղացիական, զինվորական զանգվածների վրա:

Անդրկովկասյան բուրժուա-նացիոնալիստական պարտիանների գործունեությունը պատերազմի տարիներին (հատկապես փետրվարյան ուսուցիչից հետո առաջ եկած ազգային զորամասերի ստեղծման շրջանում) կազմալուծում էր ուսուցիչի ճակատը Անդրկովկասում, Կովկասյան ռազմաճակատի ռուսական ուսուցիչին բանակը կտրում էր ունեցիչի դեմ ծառացող թիկունքից, Անդրկովկասը նախապատրաստում էր կոնտրոլային ուժի օջախ դարձնել հասունացող սոցիալիստական ուսուցիչի դեմ:

Վերահիշյալից արդեն դժվար չէ կոհհիշել, որ Կովկասյան ռազմաճակատում բոլշևիկյան ազատ ու լայն ագիտացիայի համար ստեղծված էին չափազանց դժվարին պայմաններ: Ոչ միայն Պետրոգրադից ու Մոսկվայից, Բաքվից ու Թիֆլիսից ռազմաճակատի հեռու գտնվելը, ոչ միայն Արևմտյան Հայաստանի աղուրդակցության միջոցներից զրեթե զուրկ լինելն էր, որ խանգարում էր բոլշևիկների ագիտացիային: Այդ բանին ուղղակիորեն խանգարում էին անդրկովկասյան կոնտրոլային ուսուցիչի միասնական բլոկը՝ անդրկովկասյան հատուկ կոմիտեն, ունեցիչին գնեկալիստներ, մենշևիկներն ու էսեռները, դաշնակներն ու այլ բուրժուական նացիոնալիստներ: Կովկասյան իշխանությունները ուղղակի ցուցում էին տվել ռազմաճակատը ամեն կերպ հեռու պահել բոլշևիկյան «վարակից» փոստում ընդունել բոլշևիկյան թերթեր ու գրականություն, բայց ոչ թե այն ռազմաճակատ ուղարկելու, այլ տեղում ոչնչացնելու համար:

Բուրժուազիայի այսպիսի վճռականությունը, որին խիստ նպաստում էր Ժողովրդային ու անդրկովկասյան մենշևիկների այլ պարագլուխների նենգ ու խորամանկ վարքագիծը, իր բացառական դերը խաղաց ռազմաճակատում բոլշևիկյան ագիտացիան անհրաժեշտ խորությամբ ու լայնությամբ ծավալելու գործում: Զգուցվում էր նաև բոլշևիկյան կադրերի, ագիտատորների ու պրոպագանդիստների, մասսաների փորձված ու պայքարում կոփված կազմակերպիչների խիստ կարիք:

Կովկասում աշխատելով նման դժվարին պայմաններում, ստանալով պարտիայի կենտրոնական կոմիտեի աջակցությունը ինչպես կադրերի, այնպես էլ մամուլի ու գրականության ձեռք բեր-

ման ուղղությամբ, կովկասյան բոլշևիկները, այնուամենայնիվ, իրենց ճշմարտացի խոսքն էին հասցնում պատերազմից հոգնած, ազգային կոտորածներից տանջված զինվորներին:

Ռուրժուական ժամանակավոր կառավարությունը, ստանալով էսենների ու մենշևիկների լայն աջակցությունը, որոշեց վերսկսել հարձակումը Լեռնայան ռազմաճակատում: Վ. Ի. Լենինը հակահեղափոխական բուրժուազիայի այդ քայլը որակեց իբրև իմպերիալիստական պատերազմի վերսկսում, հակառակ պաշտոնական շրջանների այն ալմուկի, որը փորձում էր հարձակումը ներհայացնել իբրև «հանուն հաշտության» կատարված «վճռական» միջոցառում:

Զինվորների ձեռք բերած սեփական փորձն ու բոլշևիկյան ազիտացիան հունիսյան հարձակման շրջանում խաբխրում էին ճակատային բանակը, այն նախապատրաստում հեղափոխական նոր մարտերի համար:

Կոնտրոլյուցիան սարսափով էր նայում «հիվանդ» բանակի վրա: Կովկասյան ռազմաճակատից մի սպա Երևան հասցեագրած նամակում շարության մուղձ էր թափում այդ բանակի ռևոլյուցիոն զինվորների վրա: «...Ամբողջ օրը քայլում եմ կախարդվածի պես... Ինձ կկործանեն հիվանդ բանակի տխուր, ծանր իրադարձությունները: Մեզ մոտ շատ վատ է. զինվորները մոռացել են իրենց պարտքը և միայն մտածում են իրենց անձնական շահերի մասին. նրանք գործ չունեն հայրենիքի հետ և խուլ են դեպի ղեկավարությունների գնալու կուլը... «Զեմ ուզում կովել, խաղաղություն» — ահա բոլորին հասկանալի լոգունգը... մենք՝ սպաներս, դժբախտ տառապյալներ ենք, չունենք ոչ մի հեղինակություն, և մեր շուրջը փայլատափում են միայն շարությանը լի աչքերը»: Նույն զինվորականի մի այլ նամակում, որը գրված է Կովկասյան պրենագերյան երկրորդ դիվիզիայի շտաբից, ռևոլյուցիոն բանակի ու «դավաճան» բոլշևիկների գործունեության քիչ թե շատ բայկետիվ պատկերն էր գծվում «տառապյալ Ռուսաստանի» վիճակի վրա սգացող սահարյուրյակային սպայի ձեռքով. «Այժմ ես նորից դիրքերում եմ, այլևս ինչու նողկալի կոմեդիա խաղալ և խաբվել անիրականանալի «նույսերով» թե մենք ինչ-որ բանի պետք ենք: Բանակ չկա, այլ կան բանդաներ..., որոնք միայն ընդունակ են անկարգություններ սարքելու և ամեն ինչ քանդելու. եթե անգամ կա միջոց Ռուսաստանը փրկելու, ապա կպտնվի ոչ մեզ մոտ, և մի՞թե կա այն մեր դաշնակիցներից որն է մեկի մոտ: Տեսնում ես Հյունյա, ոչ թե միայն բո գործերն են վատ, այլ ամենուրեք վատ է, և ես էլ ավելի եմ տանջվում, որովհետև քաղաքական անց ու դարձը առավել լրջորեն ազդել է բանակի վրա և նա, մեր հարապատեր (հին բանակը — Հ. Մ.) մեռնում է դավաճան ձևերից (նկատի ունի բոլշևիկներին — Հ. Մ.) ստացած արյունոտ, մահացու վերքերից...»:

Վերոհիշյալ սպայի դառնագին լացը ռևոլյուցիոն զինվորը գնահատում էր դասակարգայնորեն միանգամայն հակառակ դիրքերից, ուրախությամբ արձանագրելով. «Ապստամբում են բոլորը ընդդեմ բոլորի»¹⁰:

Ռևոլյուցիոն նման իրավիճակն էր տիրում նաև Կովկասյան ռազմաճակատի ու մերձճակատային գոտու այլ հատվածներում: Էրզրումից Կովկասյան բանակային կորպուսի մի շինովնիկ — ռազմական քննիչ Կազանի օկրուգի գործերի հրամանատարին հասցեագրած նամակում գանդատվում էր էրզրումում և ռազմաճակատի այդ գոտում տիրող դրությունից: «Կարգ ու կանոն նույնպես ոչ մի տեղ չկա... բոլորը կարող են միայն խուլիգանություն անել, իսկ լավ բան անել չեն կարող. և այդպիսի դրության պատճառով մեզանում ամենուրեք, ուսերեն ասած, ամենախսկական անառականոց է: Իրոք, ռևոլյուցիայի առաջին օրերին, ասենք... ամեն ինչին նայելը հաճելի էր (նկատի ունի բուրժուազիայի մարտյան ոգևորությունը — Հ. Մ.), իսկ հետո Դրքան գնաց, այնքան ավելի ու ավելի վատացավ, իսկ թե ինչ կլինի դեռ առջևում, ասելը շատ դժվար է, բայց, խհարկե, լավ բան սպասել չի կարելի: Այո, սիրելի Կոլյա, այդ մասին գրելը շատ դժվար է: Առաջին օրերից, երբ արձակուրդից ես եկա այստեղ, գնում էի ժողովների ու միտինգների, բայց այժմ ոչ մի տեղ չեմ գնում, որովհետև բոլոր ժողովներում ու միտինգներում լավ ոչինչ չկա: Պատահում է, որ խոսում են շատ լավ և կարգին մարդիկ, բայց նրանց լսել չեն ուզում և բղավում են՝ կորչի՛, կորչի՛. ահա դրանից հետո մնում է այդպիսի միտինգներից մի կողմ քաշվել...»¹¹:

Կարսի ամրոցի սակրավորների գումարտակից Խարկով հասցեագրված մի նամակից¹² տեղեկանում ենք, որ Կարսում հունիսյան օրերին զինվորական շրջաններում տեղի էր ունենում ռևոլյուցիոն պրոցեսի բուռն վերելք: Հաճախակի տեղի ունեցող ժողովներում ու միտինգներում զին-

8 Նույն տեղում, գ. 99, թ. 316:

9 Նույն տեղում, գ. 127, թ. 103:

10 Նույն տեղում, թ. 260:

11 Նույն տեղում, գ. 99, թ. 266:

12 Նույն տեղում, թ. 287:

վորեն զայրությամբ քննադատում էին իշխանություններին, որոնք մի քանի ամսում զինվորներին դատարկ խոստումներով խաբելով փաստորեն ի չիք դարձրին Կարսի հերոսական կայազորի փետրվարյան փայլուն նվաճումները, այն «ահեղ իրադարձությունների» պատուհները, որոնց մասին այն օրերին Կարսից տեղեկացնում էին Ռոձյանկոյին, նոր իշխանությանը Վերոհիշյալ նամակի հեղինակը սպայական իր դիրքերից նկարագրում էր զինվորների զայրությամբ հատկապես այն իրողությունից, որ փետրվարյան ռևոլյուցիայի օրերին այնտեղ ձերբակալված շինովնիկներին ու սպաներին «տեղափոխել են Թիֆլիս, իսկ այնտեղ նրանք ազատ շրջում են, փող են ստանում... և ոչինչ չեն անում»։ Հեղինակը բողոքում էր նաև բանակի մասսայական քայքայումից, զայրությամբ գրում էր, որ սպաների կյանքը անապահով է, նրանց հեղինակությունը ընկած է, որ ապօրինի... յուրաքանչյուր բռնի զինվորների ուզածը խումբը կարող է նրան բանտարկել, ծեծել և սպան պաշտպանություն չի գտնի, որովհետև բոլոր սպաները հայտարարված են կոնտրռևոլուցիոներներ՝ առանց ջոկելու...»։

Ռեակցիոն սպայությունը չէր կարողանում հանդուրժել մասնավորապես բանակի դեմոկրատացման վերաբերյալ պահանջները, որոնք դնում էին թե՛ զինվորները և թե՛ թիկունքի աշխատավորները։ «Ես,— գրում էր սպան Կարսից,— այժմ շատ չարացած եմ այն քաղաքացիներից, ուսենք թեկուզ ուսանողներից, որոնք նստել են թիկունքում և պահանջում են բանակի դեմոկրատացում, իրենց մեջքի վրա փորձած շլինելով, թե ինչ է նշանակում բանակի դեմոկրատացումը։ Նրանք չգիտեն, որ այժմ Ռուսաստանում բոլորը, առաջինից մինչև վերջինը, օգտվում են լիակատար ազատությունից։ Բայց նրանք չեն տեսնում և չեն հասկանում, որ Ռուսաստանում միակ է մոռացվածը, և՛ հալածվածը, միակը, որ զրկված է ազատությունից, դա սպայությունն է... Այժմ — թունոտ սարկազմով նկատում է նա. — «աշխարհում ազատագույն դեմոկրատական բանակը» (նկատի ունի Ռուսական ռևոլյուցիոն բանակը — Հ. Մ.)... խեղդում ու ազատություն չի տալիս սպաներին։ Հին իշխանության օրոք ամենավերջին, ամենափոքր մարդը ավելին ուներ, քան այժմ մենք՝ սպաներս»¹³։

Սպայությունը բանակում դա նույն իշխանությունն էր՝ ժամանակավոր կառավարությունը, վերջինիս տեղական, բանակային օրգանը։ Ավելին, նրա մի մասը գալիս էր հնից՝ ցարական սպայակույտից և տեղ-տեղ քարշ էր տալիս իր գոյությունը։ Ակնհայտ է, որ պայքարը սպայության դեմ, նրա աստիճանաբար խորացող վարկաբեկումը զինվորների շրջանում, նրա փաստական մերկացումը, անառարկելիորեն վկայում էր էրզրումում, Կարսում և ընդհանրապես Կովկասյան ռազմաճակատում զինվորական մասսաների քաղաքական գիտակցության հասունացումը։

Հունիսյան հարձակման շրջանում բոլշևիկացիների բուռն պրոցես էր ապրում մերձակատային գոտում գտնվող Ալեքսանդրապոլի կայազորը։ Զինվորներից մեկը նկարագրելով այստեղ կատարվող իրադարձությունները, գրում էր. «...Այսօր մեզ մոտ միտինգ եղավ և բոլորը բղավում էին՝ խաղաղություն. ոչ ոք չի ցանկանում կռվել. միայն բուրժուազիան է ուզում շարքից դուրս բերել մեզ։ Մենք սպասում ենք շուտափույթ հաշտության։ Բոլորը բղավում են՝ կորչի պատերազմը... Կալվածատերերից խլում են հողը. մեր ուկրաինացիները պահանջում են ավտոնոմիա. գերմանական ճակատում մերոնք հարձակվում են, իսկ թիկունքում բղավում են՝ կորչի պատերազմը»¹⁴։

Ամբողջ երկրում ցրված զինվորները իրենց նամակներում քննարկում էին տեղի ունեցող քաղաքական բարդ իրադարձությունները, իրար փոխանցում ոչ միայն մոլորություններ ու միսմտություններ, այս կամ այն ճակատում տեղի ունեցող ռևոլյուցիոն շարժման փաստեր, այլև բոլշևիկացիների ապրող զինվորների պրոլետարական մտայնությունը՝ այս կամ այն իրադարձության և ընդհանրապես ռևոլյուցիոն երկունք ապրող Ռուսաստանում սպասվող նոր, ավելի վճռական իրադարձությունների առթիվ։ Իր միամտություններով հանդերձ, նախահուլիսյան անցքերի գիտահատման տեսակետից բնորոշ է մի զինվորի՝ Կովկասյան ռազմաճակատից հեռավոր Ալինսկ հասցեագրված նամակը. «Քաղաքականության վերաբերյալ այժմ կասեմ, որ դժվար, շատ դժվար է նրանից գլուխ հանելը։ Ես ոչ մի պարտիայի չեմ պատկանում, բայց կարող եմ ինձ ու ինձ դատել առանց կրքերի։ Լենինյանները այնպիսի քաղաքականություն են վարում, որ ինչ ուզում է լինի, պետք է վերջ տալ պատերազմին, որ պատերազմը թշվառ ժողովրդի համար կործանարար է. պատերազմը պետք է միայն նրանց, որոնց նա յուրաքանչյուր օր բարելավում է բերում և հարստացնում... Ինչ հասկացե՞ք ու նայե՞ք այդ ամենին և մտե՞ք չքավորների դրության մեջ... Զէ՛ որ մեզ մոտ, Ռուսաստանում, երկաթուղիներում, բանվորները ամսական ստանում են 4»

¹³ Նույն տեղում։

¹⁴ Նույն տեղում, գ. 127, թ. 123։

ոուրի. ես մտածում եմ, որ այդ ոռնիկով ապրել չի լինի: Դրանից բացի, զինվորներն այս երեք տարվա ընթացքում հոգնել են պատերազմից, իսկ գեո և գող տարի մեզ սպառնում է ավելին: Մեզ մոտ (Ռուսաստանում — Շ. Մ.) այս տարի մեծ անբերրություն էր և ևկող տարի մենք կարող ենք մնալ առանց հացի: Այժմ Մոսկվայում և մյուս քաղաքներում յուրաքանչյուրին օրական տալիս են 3/4 ֆունտ հաց, իսկ ի՞նչ կլինի հետագայում: Պատերազմը ավարտել 3—4 ամսում, ինչպես մեզ դրան դրդում են նրանք, ովքեր դրանից շահույթ են ստանում, ոչ մի դեպքում չի լինի, այլ այն կշարունակվի դարձյալ մի քանի տարի... Պատերազմին վերջ տալ հնարավոր է միայն ինչպես մեր, այնպես էլ մեր թշնամիների ու դաշնակիցների ամբողջ գիտակից ժողովրդի ապստամբությամբ: Իսկ դրա համար ոչ թե հարձակում է պետք, այլ արտասահմանում, բոլոր երկրներում քաղաքականություն (ազդեցիկ — Շ. Մ.) տանել է պետք: Մեզ մոտ ռևոլյուցիան դեռևս բուրժուական է... Բայց դեռ կլինի ժողովրդական ռևոլյուցիա և դա պարտադիր է, որովհետև բուրժուական ամենուրեք իր խաղն է խաղում. ասենք՝ նա տպագրում է ամեն տեղ, անգամ պարտիական լրագրերում, որ կալվածատերերին պետք է վճարել հողի դիմաց արդարացի գներով և շատ այլ օրենքներ է մտցնում: Բայց դա, թվում է, իրենց չի հաջողվի: Հիմնադիր ժողովի հրավիրման ձգձգումը նույնպես նրանց ձեռքի գործն է: Նրանք շատ լավ հասկանում են, որ եթե այժմ հրավիրեն Հիմնադիր ժողով. ապա այն օրենքները, որոնք պետք են ժողովրդին, կթելադրի ինքը՝ ժողովուրդը, իսկ պատերազմը ավարտելուց հետո, նրանք ինչ որ ցանկանան՝ այն էլ կյանքում կանցկացնեն... Կարող է պատահել, որ Հիմնադիր ժողովը ձախողվի... Ավելին, նրանք ձգտում են պետքներ ժողովրդին և նրանց էլ այդ է պետք: Այժմ վերադառնամ պատերազմին: Ասա, խնդրեմ, որպես զինվորական մարդ, ի՞նչ դուրս կգա մեր հարձակումից, եթե մի գունդ կամ երկուսը գնում են, իսկ երրորդը հրաժարվում է... Դեհ, մի խոսքով... ես սպասում եմ, որ ոչ հեռավոր ապագայում քաղաքականության հողի վրա տեղի կունենա ինչ-որ ահեղ բան. չէ՛ որ ժողովուրդը ոչինչ չի ստացել, բացի խոսքի ազատությունից... Մնում եմ սպասելով քաղաքական մեծ իրադարձությունների: 15.

Հարցերի բազմազանությունը, դատողությունների առողջ ոգին, մի կողմից՝ վախժ մոտալուստ կոնտրոլյուցիայից, մյուս կողմից՝ ժողովրդական-սոցիալիստական ռևոլյուցիայի սպասումը մեծ տազնապ են ծնել զինվորի սրտում: Ո՛ր է գնում Ռուսաստանը. դեպի կործանում, թե՛ վերածնունդ, նեխում ու քայքայում պատերազմից, թե՛ երկրի կենսունակ ուժերի ստեղծագործ մտքի ու գործերի ծաղկում: Զինվորի նախկին երկրնորանքը աստիճանաբար տեղի է տալիս բոլշևիզմի «լենինյաններին» նկատմամբ ժողովրդի հավատի աստիճանական ամրապնդման առաջ: Շիկացած քաղաքական մթնոլորտում զինվորը տեսնում էր քաղաքական պարտիաների պայքարի սրումը և ոգում, որ ինչ-որ արտակարգ բան է լինելու, որը նման չպետք է լինի փետրվար-հունիս ժամանակաշրջանին:

Կովկասյան բանակի զինվորական մասսաների բոլշևիկացման հարցերը քննարկելիս չի կարելի մոռանալ, որ հունիսյան հարձակման շրջանում զինվորների մեծամասնությունը դեռևս չէր տեսնում այն ունիոններ, որոնցով հնարավոր էր դուրս գալ արյունոտ պատերազմից:

Հունիսի սկզբներին Կովկասյան ճակատում ստացված մի նամակում հիմնականում ճիշտ էր ներկայացվում զինվորների մեծամասնության հոգեբանությունը և իրերի վիճակը այդ օրերին. «...Մինիստր Կերենսկին, — ասվում էր նրանում — մեկնել է ճակատ՝ բանակի մարտունակությունը և, իհարկե, քաղաքացիական կարգապահությունը վերականգնելու համար: Զէ՛ որ զինվորների մեծամասնությունը, ինչպես և թիկունքը, նրա՝ մինիստրի վրա նայում են ինչպես կուռքի. այդ պատճառով էլ ուղևորությունը մեծ հաջողություն ունեցավ, բայց, իհարկե, ոչ առանց լուրջ միջադեպերի... Մի շարք զորամասեր վերակազմվեցին. հենց ձեր ռազմաճակատից (նկատի ունի Կովկասյան ճակատը — Շ. Մ.) ինքնակամ վաղիկավկազ եկավ մի դիվիզիա, բայց ընդհանրապես զորամասերում ոգին շատ է բարձրացել և ենթադրվում է հարձակում, այլապես խաղաղության հասնելու այլ ուղի չկա: 16:

Վերահիշյալ նամակի «հարձակում, այլապես խաղաղության հասնելու այլ ուղի չկա» մտայնությունը, որը հիմնականում տիրապետող էր զինվորների շրջանում հարձակմանը նախորդող էտապում, Վ. Ի. Լենինը գնահատում էր այսպես. «...Իր խնդիրը կառավարությունը կարող էր լրագործել միայն այն պատճառով, որ նրան հավատացել, նրա հետևից գնացել է բանակը: Դեպք»

15 Նույն տեղում, թ. 35—37:

16 Նույն տեղում, թ. 328:

մահ է գնացել, հավատալով. թե իր զոհարերությունները արվում են հանուն ազատության, հանուն ռևոլյուցիայի, հանուն շուտափույթ հաշտության»¹⁷:

Զինվորական մասսաների այդպիսի մոլորվածությունը իրեն կանոն ուղեկցվում էր բուրժուազիայի և ընդհանրապես շահագործման դեմ նրանց տածած սրբազան ատելությամբ: «Մենք ասում ենք, որ թող ամբողջ բուրժուազիան գնա ճակատ և կռվի, այդ ժամանակ էլ նա կհասկանա, թե ինչ է նշանակում շուտով վերջացնել պատերազմը. այլապես նա պատերազմի ժամանակ այնպես է լցրել գրպանները, որ դրանք տրաքվում են... Մենք ասում ենք. պետք է փոխարինել մեր ընկերներին, որոնք նստած են խրամատներում, բայց չեն հաւրճակվում, այլ պաշտպանվում են, որպեսզի չկորցնեն ազատությունը: Ի՞նչ էթե մենք նորից գնանք հարձակման, այն ժամանակ նորից մեզանից միլիոններ կպլուկեն: Վերջերս մեզ մոտ ռազմաճակատից եկան պատգամավորներ և մեզանից մի քանիսը հայտարարեցին, որ չեն հաւրճակվի. այլ մինչև վերջ կպաշտպանվեն...»¹⁸ (ընդգծումներն իմն են — Հ. Մ.):

Ռևոլյուցիոն զինվորը արդեն դեմ է հարձակմանը, բայց նա դեռ կողմ է ռազմաճակատ մեկնելուն և «մինչև վերջ պաշտպանվելուն»: Բայց չէ՞ որ «պաշտպանվելը» նույնպես իմպերիալիստական պատերազմի շարունակում և ավելի ձգձգում էր նշանակում: Վերոհիշյալ նամակի հեղինակը Թիֆլիսում տեղավորված 218-րդ հետևակային պահեստային գնդի զինվոր էր, այն գնդի, որ շուտով, գրեթե ամբողջովին, անցնելու էր բոլշևիկների կողմը, ահ ու սարսափ դառնալով անդորրկոպասյան կոնտրևոլյուցիայի համար:

Զինվորը աստիճանաբար մոտենում էր ճշմարտությանը, երբ այդ սարսափելի պատերազմի մեղքը գցում էր «կապիտալի», միջուկային իմպերիալիզմի, «Ֆրանսիայի, Անգլիայի, Գերմանիայի կոնտրևոլյուցիոն դեմոկրատիայի» վրա: «Ես շարունակում եմ մարդկությանը համարել կապիտալի ստրուկը, — գրում էր զինվորը Բարվից: — Անիծյալ կապիտալը առաջմ գեռ հզոր է և մարդկային արյունը գետի պես հոսում է երկու կապիտալի (նկատի ունի պատերազմող իմպերիալիստական երկու խմբավորումներին — Հ. Մ.) պայքարում. այնպես խորամանկորեն են դապաված Ռուսաստանի ձեռքերն ու ոտքերը, որ նա ելք չունի, որովհետև կեղեքված է տնտեսապես»¹⁹:

Զինվորը դեռ չունեի անհրաժեշտ վճռականություն և դասակարգային-պրոլետարական կոփվածք, որպեսզի դադարեր ախ ու վախ քաշիլ անորոշ «դեմոկրատիայի» տառապանքների համար: Հունիսյան օրերի զինվորը դեռևս սարսափում էր «քաղաքացիական պատերազմից», որը սպառնում էր սանձազերծել կաղետական բուրժուազիան:

Զինվորները և էսեռա-մենշևիկյան պարտիաների կողմից խաբված աշխատավորները դժվարին էվոլյուցիա ապրելով, հունիսյան հարձակման շրջանում և նրանից հետո թրժվեցին, կոփվեցին, ինչպես նշում էր Վ. Բ. Լենինը, վերստեղծվեցին, վարժվեցին, պայքարի հրով նորոգվեցին և անցյալին թողեցին իրենց տատանումներն ու հոգեկան ճգնաժամը: Այս զինվորներն էլ ռևոլյուցիոն պրոլետարիատի հետ դաշնակցած, նրա աշխարհայացքով հարստացած, դաժան պայքարի մի քանի ամիսներից հետո առանց երերալու գնացին խորտակելու «անիծյալ կապիտալը» և լայն ու ազատ ուղի հարթելու մարդկության առաջընթացի համար:

17 Վ. Ի. Լենին, Երկեր, հատ. 25, էջ 128:

18 ԿՊՌՊՍ, ֆ. 1300, ց. 1, գ. 127, թ. 164:

19 Նույն տեղում, գ. 99, թ. 233: